

Broj: 04-11-4-688/23-12  
Sarajevo, 20.6.2023. godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", 35/05) i člana 64. stav (1) tačka b) i člana 70. stav (1), (3) i (6), Zakona o javnim nabavkama ("Službeni glasnik BiH", br: 39/14 i 59/22) i Zapisnika o pregledu i ocjeni ponuda u predmetu javne nabavke, Federalni ministar prostornog uređenja, d o n o s i :

### **ODLUKU**

#### **o rezultatima postupka**

Redovno održavanje i servisiranje putničkih motornih vozila

I

U predmetu javne nabavke usluga „Redovno održavanje i servisiranje putničkih motornih vozila”, prihvata se Zapisnik o ocjeni ponuda i preporuke Komisije za javne nabavke broj: 04-11-4-688/23-11 od 20.6.2023. godine, nakon provedenog konkurentskog zahtjeva za dostavu ponuda sa zaključenjem okvirnog sporazuma pokrenutog u skladu sa članovima 88. i 32. Zakona o javnim nabavkama BiH (u daljem tekstu ZJN BiH), a prema obavještenju o nabavci sa Portala javnih nabavki broj: 1290-7-2-16-3-9/23 od 7.6.2023. godine.

II

Planirani okvirni sporazum „Redovno održavanje i servisiranje putničkih motornih vozila”, se dodjeljuje ponuđaču AUTOMERC ŠKORO d.o.o. Kiseljak, na osnovu člana 64. stav (1) tačka b) ZJN BiH, jer je ponuđač ponudio najnižu cijenu ponude. Okvirni sporazum će se zaključiti na vrijednost u iznosu 14.985,00 KM bez PDV-a.

III

Izabrani ponuđač dužan je da u roku od (5) pet dana od dana dostavljanja ove Odluke dostavi original ili ovjerenu kopiju dokumentacije iz člana 45. tačka c) i d) ZJN BiH kao i ostalu dokumentaciju traženu TD.

Prijedlog ugovora u ovoj predmetnoj nabavci dostavit će se na potpis izabranom ponuđaču u skladu sa članom 72. ZJN BiH.

IV

Ova odluka se objavljuje na službenoj stranici ministarstva i istovremeno se upućuje ponuđačima koji su učestvovali u postupku javne nabavke u skladu sa članom 70 stav (6) ZJN BiH.

V

Ova odluka stupa na snagu danom donošenja, a za realizaciju iste zadužuje se Sektor za obnovu i zaštitu nacionalnih spomenika i energetske efikasnost u zgradarstvu i Sektor za pravne, opće i finansijske poslove

#### **Obrazloženje**

Na osnovu Odluke o pokretanju postupka nabavke Federalnog ministarstva prostornog uređenja broj: 04-14-4-688/23, od 9.5.2023. godine putem konkurentskog zahtjeva za dostavu

ponuda, objavljenom na portalu "e-Nabavke", obavještenje o nabavci broj: 1290-7-2-16-3-9/23 od 7.6.2023. pokrenuta je procedura javne nabavke usluge „Redovno održavanje i servisiranje putničkih motornih vozila”.

Federalni ministar prostornog uređenja je rješenjem broj: 04-11-4-661/23 od 8.5.2023. godine od formirao Komisiju za provođenje postupaka javne nabavke. Komisija je u skladu sa odredbama Zakona o javnim nabavkama i podzakonskim aktima provela postupak, izvršila razmatranje, analizu i ocjenu blagovremeno prispjelih ponuda ponuđača i to: AC QUATTRO d.o.o. Sarajevo i AUTOMERC ŠKORO d.o.o. Kiseljak.

Ponuda ponuđača AC QUATTRO d.o.o. Sarajevo je neprihvatljiva i odbacuje se na osnovu člana 68 stav (4) tačka j) ZJN BiH jer je cijena ponude datog ponuđača veća od procijenjene vrijednosti Ugovornog organa. Ponuđena cijena ponuđača AC QUATTRO d.o.o. Sarajevo iznosila je 17.190,46 KM.

Obzirom da je primljena jedna prihvatljiva ponuda, a na osnovu člana 3. stav (3) Pravilnika o načinu i korištenju e-aukcije („Službeni glasnik BiH”, broj 66/16) e-aukcija se ne može provesti.

Kako je ponuđač AUTOMERC ŠKORO d.o.o. Kiseljak dostavio ukupnu cijenu ponude bez PDV-a u iznosu od 14.985,00 KM, a koja je manja od procijenjene vrijednosti, te ponuda ispunjava uslove predviđene konkurentskim zahtjevom, odnosno predstavlja najnižu ponuđenu cijenu u skladu sa odredbom člana 64. stav 1 tačka b), to je odlučeno da se navđenom ponuđaču i dodjeli ugovor o nabavci usluge „Redovno održavanje i servisiranje putničkih motornih vozila”.

Shodno navedenom, a vođen preporukom Komisije o dodjeli ugovora, odlučeno je kao u dispozitivu ove Odluke.

Pouka o pravnom lijeku:

Svaki ponuđač koji smatra da je Ugovorni organ ovim aktom prekršio jednu ili više odredbi ZJN BiH i/ili podzakonskih akata, ima pravo uložiti žalbu.

Žalba se, putem Ugovornog organa, izjavljuje Uredu za razmatranje žalbi Bosne i Hercegovine u roku od 10 dana od dana prijema ovog akta.

Dostaviti:

1. Ponuđačima
2. Evidenciji
3. Arhivi

